

docsriver 文川网
入驻商家 古籍书城

在文川网搜索古籍书城 获取更多电子书

docsriver 文川网
入驻商家 古籍书城

在文川网搜索古籍书城 获取更多电子书

在文川网搜索古籍书城 获取更多电子书
入駐 文川网
desriver 文川网
古籍书城

中國方志叢書·華北地方·第五二四號

據


清·李于垣修，楊元錫纂
清嘉慶十五年刊本

影印

河北省

長垣縣志

成文出版社有限公司印行



10106117

201
201
201

3

中國方志叢書·華北地方·第五二四號


據

清·李于垣修，楊元錫纂
嘉慶十五年刊本

影印

河北省

長垣縣志



成文出版社有限公司印行



10106118

中華民國六十四年 月臺一版

長垣縣志

全四冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

docsriver 文川网
入驻商家 古籍书城

在文川网搜索古籍书城 获取更多电子书

docsriver.com商家古籍书城

長垣縣志卷十

循政記

史記循吏列傳司馬貞索隱述贊曰奉職循理爲政之先漢書循吏傳曰謹身帥先居以廉平又曰以經術潤飾吏事甚矣哉循吏之難乎其人也長垣循政自先賢仲子而下代有名入見諸史冊近代自前明至今凡有政蹟著聞卓卓可攷者無論官職之崇卑一以歷官先後爲序與職官表相爲表裏表則概列姓名不計賢否記則循名責實義取謹嚴表有名而記無述抑揚之意可爲後來者勸矣

周

仲由字子路一字季路魯卞邑人爲蒲大夫辭孔子孔子曰蒲多壯士又難治然吾語汝恭以敬可以執勇寬以正可以比衆恭正以靜可以報上治蒲三年孔子過之入境三稱其善子貢問之孔子曰入其境田疇盡易草萊甚辟溝洫深治此其恭敬以信故民盡力入其邑墉屋完固樹木甚茂此其忠信以寬故民不偷至其庭庭甚清閒諸下用命此其明察以斷故其政不擾唐開元八年以十哲配享孔子二十七年贈衛侯宋大中祥符元年封河內公咸淳三年加封衛國公明嘉靖九年改稱先賢仲子縣東關外有墓及祠又祀名宦

東漢

仇覽字季智一名香陳雷考城人也為蒲亭長勸人生業
 為制科令至於異菜為限雞豚有數農事既畢乃令子弟
 羣居還就醫學其剽輕游恣者皆役以田桑嚴設科罰躬
 助喪事賑恤窮寡暮年稱大化有陳元者獨與母居而母
 詣覽告元不孝覽驚曰母守寡養孤苦身投老奈何肆恣
 於一朝欲致子以不義乎母聞感悔涕泣而去覽乃親到
 元家與其母子飲因為陳人倫孝行譬以禍福之言元卒
 成孝子鄉邑為之諺曰父母何在在我庭化我隴臬浦所
 生以上節錄後漢書循吏傳祀名宦

曹成字子毅扶風人壽之子也司徒掾察孝廉為長垣長
 母為太后師徵拜中散大夫以上三輔決錄注封關內侯官至齊

隋書卷六十一 列傳第四十一 循吏

相後漢書祀名宦

周舉字宣光汝南汝陽人博學洽聞為儒者所宗順帝時

舉茂才為平邱令上書言當世得失辭甚切正尚書郭虔

應賀等見之嘆息其上疏稱舉忠直欲帝置章御坐以為

規戒後拜光祿大夫節錄後漢書列傳

宋

蘇舜欽字子美梓州銅山人少慷慨有大志狀貌怪偉好

為古文歌詩一時豪俊多從之游初以父任補太廟齋郎

調滎陽縣尉尋舉進士改光祿寺主簿知長垣縣有政績

遷大理評事范仲淹薦其才召試為集賢校理監進奏院

數上書論朝廷事後放廢寓於吳中二年得湖州長史卒

祀名宦

据宋史
文苑傳

葛書舉字規叔常州江陰人熙寧三年中進士第調餘杭
主簿歷知真陽縣改左宣德郎知長垣縣事有地訟更數
令不決其人執康定元年二月書契為證書舉至謂曰偽
契也康定改元在寶元之冬豈復有二月耶訟者誦服吏
大驚其為政明決多類此元祐六年六月十六日卒於長
垣官舍年五十有四子張仲牧仲子仲皆舉進士淮海集
上官敏功不詳所自靖康元年任長垣知縣是年金人陷
長垣死於難詔贈五官與一子恩澤舊志

明

劉彥昭籍貫無考洪武元年任長垣縣丞因水患徙治彥

昭創建城垣衙署學校壇廟諸務舉舉縣人德之舊志

婁哲籍貫未詳洪武二十一年任長垣縣丞徙縣未久諸

凡修理有功舊志

張時字存中鳳陽府潁州人明初舉明經任長垣訓導奉

敕擬大誥後序卒葬長垣子孫遂入籍本支頗盛六世八

登科云祀名宦舊志

胡儼字若思江西南昌人舉洪武丁卯鄉試第二人授華

亭教諭母憂服除改長垣教諭能以師道自任博極羣書

以身率教諸生翕然從化題其室曰隨庵乞優地就養復

改餘干學官建文元年薦授桐城知縣成祖即位授翰林

檢討直文淵閣遷侍講進左庶子永樂二年九月拜國子

監祭酒七年帝幸北京召赴行在明年命兼侍講掌翰林院事輔皇太孫留守北京十九年改北京國子監祭酒儼館閣宿儒朝廷大著作多出其手洪熙改元以疾乞休賜敕獎勞進太子賓客仍兼祭酒致仕復其子孫宣宗卽位以禮部侍郎召辭歸家居二十年方岳重臣咸待以師禮儼與言未嘗及私自處浚泊歲時衣食纔給正統八年八月卒年八十三祀名宦節錄明史列傳參引舊志

焦昉字孟昇保定府定興人生員永樂初年任滿城主簿

陞長垣知縣九年進秩裕州知州仍理縣事久任於垣廉勤子惠如父母之於赤子宣德八年卒垣民相與營葬於邑城內東南隅又築室居其妻子遂世爲長垣人祀名宦

循政記

舊志

胡敏字好學山東卽墨人舉人宣德年任長垣訓導教有師法擢廣東道御史尋復司訓長垣父震舉人為河南杞縣教諭敏構榮養堂迎父母就養卒俱葬長垣遂入籍弟睿進士官侍郎睿子鍵錠俱成進士鍵官參政錠亦官至

侍郎舊志

蕭翼字體全江西永新人進士正統間任長垣知縣拓城垣建四門十四年河決歲大饑翼多方撫綏民無失業歷陞順德知府舊志

劉宏字超遠常州無錫人舉人景泰五年任長垣知縣勤政愛民廢墜修舉陞東平知州舊志

王輔字良鸞陝西同州人成化壬辰進士癸巳授長垣知縣邑兩稅三歲未集催科令急若沸火民困甚輔通計田畝均其稅糧民不知勞而稅集邑東北隅地最下橫澗積而成壑輔疏而注之河化澤國爲膏腴地築城垣修學校革里甲煩費明勸課之令報最行取擢御史終浙江按察司僉事

楊亨字文通山西河津人成化戊戌進士授長垣知縣以誠治民戒惡勸善革里正之侵漁培學舍之俊彥己亥邑東南患水亨相其原隰築隄以禦之民不罹水患人皆戴德行取擢御史巡按浙江

杜敷字子開蘇州吳縣人進士宏治三年授長垣知縣治

河有功築太行長隄增墻繕舖舍暇與諸生講授易學人
士皆宗之擢監察御史

高志

賈安甫字克仁常州江陰人宏治丙辰進士授長垣知縣
舊志稱其廉明莊重動遵禮法無不可爲世絕以實心行
實惠時以爲循吏之首民甚德之擢河南道御史祀名宦
案明史列傳安甫於孝宗時嘗疏劾壽寧侯張鶴齡正德
初兵部尚書劉大夏爲中官所扼謝病去戶部侍郎陳清
遷南京工部尚書安甫請還大夏而罷清報聞時八黨竊
柄朝政日非御史陸崑與安甫等上疏極諫時劉健謝遷
皆被逐於是御史薄彥微爲首上公疏請黜謝遷而罪馬
永成劉瑾等瑾怒悉逮下詔獄各杖三十除名後列奸黨

五十三人以安甫首南御史聞彥徽等公疏安甫筆也家居十年終歲不入城市後起山東僉事甫三月引疾歸

謝理徽州祁門人舉鄉試經魁宏治八年授長垣教諭學行俱優多所造就陞永平府教授舊志

高崇明山西石州人宏治十六年任長垣縣丞古朴有執

一介不苟取陞山東邱縣知縣祀名宦舊志

盧煦字子春浙江東陽人進士正德六年任長垣知縣政

尚寬易山東寇起有捍禦功陞刑部主事舊志

殷宗信山東高唐州人歲貢生正德九年授長垣縣丞寬

厚誠實幹濟有爲尤能不濫用刑深悉民隱人皆感之舊志

張治道字時濟陝西長安人進士正德十年任長垣知縣

剛明果斷鋏強梗扶善良才有餘而志不能屈凡上官之
令有裨於治者即為舉行或妨民者力請去之加築城垣
修整學校民懷其德陞刑部主事告歸舊志

伍餘福字疇中蘇州吳縣人進士正德十三年授長垣知

縣負才名畱心教養修雙忠祠延未第舉人讀書其中贍

以養田文風蔚起政事之暇多所著述尤工草書歷陞兵

部郎中舊志

彭騰雲山東青城人歲貢生正德十五年任長垣縣丞性

狷介吏役無敢私謁者陞忻州同知舊志

王三省陝西朝邑人進士初授大名知縣嘉靖四年以才

能調長垣陞吏部主事歷戶部員外郎中彰德知府民多

恩之

舊志

王懋字昭大陝西咸寧人進士授御史以言事謫典史嘉

靖七年陞長垣知縣廉明慈惠歷陞河南懷慶知府祀名

宦

舊志

劉體元字乾夫廣東南海人進士嘉靖十年補長垣知縣

操履甚潔左右無偏私省刑惜費凡事從容畢舉陞灤州

知州去之日行李蕭然終刑部郎中

舊志

馬聰山西太平人舉人嘉靖十二年任長垣知縣有修城

功陞鄧州知州宗人府經歷陞澆州府

舊志

李汪山西太平人國子監生嘉靖十三年任長垣縣丞營

馬政革除常例錢不受恩詞訟曲盡民情人頌德焉陞陝

docsriver 文川网
入驻商家 古籍书城

在文川网搜索古籍书城 获取更多电子书

長垣縣志卷之二
西同州州判舊志

杜緯山西蒲州人舉人嘉靖十八年任長垣知縣潔已而嚴胥吏不敢售奸敦教化裕積貯作拜善亭達過室於門之左右曰凡與我者無問其人善則從之失則改之民衆皆悅陞太僕寺丞

郝良臣山西襄垣人進士嘉靖二十一年任長垣知縣奉檄建築大岡版邱南岳樊相四堡復按堡設義倉因以貯穀當是時諸州邑貯穀尚少獨長垣積萬石有奇邑人德之陞吏部主事歷官布政使舊志

陳東光河南鈞州人進士翰林院檢討嘉靖二十四年誦長垣縣丞興學校正文風時示諸生學問之道人皆感化

歷陞四川布政使

鍾崇武江西南昌人進士嘉靖三十五年任長垣知縣修學勸士治尚寧靜陞刑部主事

黃紀字子陳號梁山江西臨川人進士嘉靖三十七年授長垣知縣剛直不撓嚴保甲以除盜罷黷稅革修河隄夫民困以蘇邑數遭水患西南地多汚下民流亡者大半田疇荒蕪乃招諭寬其賦役且給以牛具籽種使之復業得林和等八百餘戶民俗健訟紀剖決如流無留獄亦無抑情常諭之曰勤爾耕織毋健訟妨爾生也民皆感服執凶頑蔡漆李濟輩寘之法其後爭訟漸息公暇進諸生講明經義士風日振擢河南道御史終河南按察司僉事

舊志

岳木陝西咸寧人舉人嘉靖三十七年授長垣教諭敷教以寬動得大體士子皆感服陞山西祁縣知縣擢戶部主

事舊志

黃國華字良實江西豐城人嘉靖己未進士授長垣知縣忠誠肅慎務持大體嘗語人曰吾無他長惟厚風教急民瘼慎隱微絕遠煩苛與民安靜而已朔望躬行鄉約觀者惕然感奮杜詐偽均封貼嚴關防緩營構優禮士儒崇獎節義有以加關關繹絲稅請者國華曰此不急之征可蠲也奚增為遂革除之三年歌頌載塗擢刑部主事歷淮安龍安知府後以入覲卒於京邸長垣民皆哭之舊志趙焯山東平原人進士嘉靖四十四年授長垣知縣耿介

嚴明洞燭物理人不敢欺亦不能欺也三年賦平政理民
皆樂業擢河南道御史歷官陝西布政司參政

舊志

鄭欽字午溪南直涇縣人進士隆慶元年以戶科給事中
謫長垣縣丞留心民隱遷寬抑卹上法務與申釋尤好
振作人文丁卯之試薦增應試額五人其中式士卽所力
薦也重修子路書院併祠又修遷伯玉祠作小室其間額
曰仰止習靜其中後署知縣事士民戴德陞浙江鄞縣知
縣歷官應天府尹

舊志

孫錄字文秉號鶴峯浙江餘姚人祖燧江西巡撫都御史
贈禮部尚書諡忠烈父陞南京禮部尚書諡文恪兄鑑第
鑑皆尚書仲兄銍侍郎家世通顯錄舉隆慶戊辰進士授

長垣知縣清馬廠餘地蠲大戶餘金整修文廟獎拔士類均徭役懲奸猾人感頌之已巳秋涼大集黑洋山諸水乘之直薄城下綜督夫役具畚鍤立兩中濬城北小河三日而水有所歸邑賴以安明年春大濬加築城垣并多砌水渠以利久遠報最擢河南道御史遷官太僕寺卿

馬自勉陝西同州人隆慶三年任長垣訓導故家長者動申禮法訓士以立品爲先爲文悉依先輩風節士人咸奉爲程式陞國子監助教順天府選判

舊志

胡宥字子仁號金峯徽州休寧人隆慶辛未進士授長垣知縣練達世務長於易學往往與諸生竟日發明其義且給以餼膳士貧者多待舉火焉修學校建尊經閣

路祠伯玉祠學堂岡城櫓公署皆次第修建百廢具舉捐俸不足佐以贖緩義簿故工役繁而民不知勞有監生侯
暉故參政秩子爲封邱人以人命誣訟封邱令欲文致其
罪宥會訊辨其冤釋之封邱令怒而去乃多爲悲語冀中
傷宥不爲動後封邱令以他事敗逮繫宥送之境上併撫
其家屬封邱令曰吾不知胡君今愧死矣人無不服其爲
長者居官極廉食脫粟飯菜羹不備魚肉至於振給窮乏
存問故人常恐不給行取擢南京福建道御史復補河南
道外轉按察司僉事

舊志

吳欽字宗高常州武進人舉人隆慶五年任長垣教諭學
行品節重於時學者稱爲崑麓先生初莅任憫士人無所

指授分庠士爲六會一月一周手自校閱舉毘陵之業爲
準的拔李襄毅於垂髫曰此異日能勾當天事者程課
外教以經濟之學暇則與諸生稱引古大儒名臣德業相
勗勉無不人人爭奮本府王叔果聘主元城書院攜長垣
人士之俊者偕往其餘在邑者仍寄課業評騰焉而文風
科第遂爲八郡冠以薦陞國子監助教先是學官遍處闕
闕前隘後迫欵謀諸知縣胡宥拓其制事詳興學記自後
李少傅化龍崔太宰景榮王少保永光王總理家楨許少
宰宗禮接踵起咸曰微吳先生教化之力不及此邑人至
今頌之建祠於明倫堂東北春秋享祭并從祀名宦
邊有猷字南亭河南封邱人進士萬曆四年任長垣知縣

簡訟省刑植良除暴以愛養民陞常州府同知轉戶部員

外密雲兵備副使

舊志

周盤山西澤州人進士萬歷十年補長垣知縣拊循有法
平鹽估公馬價停不急之工併偏累之徭擢河南道御史

歷順天府丞

舊志

劉學曾河南光山人進士萬歷十三年補長垣知縣時連
歲旱蝗復遭河決困甚學曾一以寬仁撫字請蠲租施
賑修築隄防凡利於民者無不興政聲大著擢吏部主事

歷文選郎中

舊志

袁和河南安陽人進士萬歷二十一年任長垣知縣邑屢
遭水旱災民庶流離和蒞任緩通賦請賑卹民漸復業又

徧歷四鄉問民疾苦加意撫綏民戴德焉繪撫民圖以頌

擢戶部浙江司主事

舊志

王洽字和仲山東臨邑人萬歷三十二年進士歷知東光
任邱服闋補長垣洽儀表頎偉危坐堂上吏民望之若神
明其廉能爲一方最擢吏部稽勲主事歷考功文選郎中
天啟初諸賢彙進洽有力焉遷太常少卿三年冬以右僉
都御史巡撫浙江洽本趙南星所引五年御史李應公希
魏忠賢指劾洽遂奪職閒住崇禎元年召拜工部右侍郎
帝奇洽狀貌擢兵部尚書上疏陳軍政十事帝竝褒納二
年十月都城戒嚴下洽獄瘐死洽清修伉直雅負時望而
應變非所長人多惜之

節錄明
史列傳

謝傳顯山西人舉人授曲陽知縣轉南京兵馬司指揮發
塲屋關節事有能名崇禎間遷大名府同知署長垣縣事
剛毅勤敏吏不敢欺會有妄男子詐稱繡衣使者潛行縣
境丞尉以下咸以手版伏謁傳顯獨抗論立破其奸問如
律眾驚服以爲神擢南陽知府卒年八十有五

舊志

王臣直字復凡山西絳州人工詩賦舉人崇禎七年任開
州知州署長垣縣事廉潔有守以慈惠稱公暇與邑士大
夫飲酒賦詩書法精妙朝廷遣中使來索書一時傳爲盛
事以直道見忤被謫士論惜焉

舊志

王虛白山東人進士崇禎十年任長垣知縣改築磚城增
高加厚并加高四門樓新窩舖六十四座時中州寇盜多

警賴以捍禦民皆德之陞戶部主事

國朝

董秉忠奉天人副榜任大名府通判順治十七年攝縣事

時河水漲溢水退後民多困乏愛郵撫字人皆感之陞保

定府同知官至直隸通省錢穀守道舊志

何英江南崑山人康熙九年以大名府通判攝縣事開墾

荒田修明倫堂舊志

宗琮字侶璜陝西涇陽人順治辛丑進士康熙九年授長

垣知縣十三年丁母憂奉文畱任明年四月得代乃去十

六年服闋仍補長垣琮畱心吏治問民疾苦有不便於民

者即去之垣邑自明季徭役繁重兵燹後更苦水災城郭

頽敗戶口流亡我

朝雖屢次蠲除而奸民或開報荒田以匿其供或詭附優免以逃其役一有徭賦則取辦於畸窮之馴民而馴者益困琮力清其弊以奸民詭合者分之分者合之嚮所伏匿之田咸出受徭役令正額之外無雜派并免徵收幫貼諸弊詳請免派河工柳束葬埋暴露枯骨民大悅修城垣嚴保甲建尊經閣魁星樓聚生儒課以道藝武者較其騎射復取古今忠孝廉節事之最易解者詮註成冊令鄉老朔望講讀使人心日趨於正風俗頓爲改觀由是流徙歸業荒地開墾生齒日繁民至今感之立祠以祀

葉振甲順天人康熙丙午舉人授濬縣教諭康熙十六年

docsriver 文川网
入驻商家 古籍书城

在文川网搜索古籍书城 获取更多电子书